


國立北平圖書館館務報告

十八年七月至

八月

建 築 中 之 國 立 北 平 圖 書 館



國立北平圖書館館務報告

民國十八年七月至十九年六月

目次

- 一 沿革及組織
- 二 新建築之進行
- 三 重要贈書及交換
- 四 採購
- 五 專藏之寄存
- 六 編目及分類
- 七 索引之編製
- 八 編纂及出版
- 九 目錄及諮詢
- 十 閱覽

十一 本館與國際學術界之合作

十二 附錄

(一) 國民政府教育部合組國立北平圖書館辦法
中華教育文化基金會董事會

(二) 國立北平圖書館委員會組織大綱

(三) 國立北平圖書館組織大綱

(四) 本年度圖書增加統計

(五) 本年度收支報告

(六) 贈書人名錄

(七) 本館職員一覽

國立北平圖書館館務報告

十八年七月至十九年六月

沿革及組織

沿革 我國之有國立圖書館發軔於前清宣統元年時張香濤之洞筦學部奏請設立京師圖書館取南學典籍及內閣大庫殘卷爲基本圖書先後由江督端午橋方采進南陵徐氏及歸安姚氏藏書若干種甘省藩司采進燉煌石室唐人寫經八千餘卷均由學部發館庋藏復奏請移庋熱河文津閣四庫全書得旨俞允未及實行而清鼎已革館務緣此中輟民國建元賡續籌辦由教育部分咨各省調取官書又咨請國務院將前翰林院所存永樂大典殘本發館儲藏是年八月二十七日開館甫逾一載以館址湫隘暫行停辦四年六月教育部撥方家胡同前國子監南學房舍爲館址籌備改組六年一月正式開館惟地勢偏僻房舍簡陋歷年限於經費未能積極發展十四年十月教育部曾擬與中華教育文化基金董事會合組國立京師圖書館已定約矣而復牽於政局中止進行十七年七月南北統


一大學院接收本館組織籌備委員會以南學舊址不易發展呈准國民政府將中海居仁堂全部撥充館址易名爲國立北平圖書館籌備數月於十八年一月繼續開館

前此教育部與董事會商定合辦國立京師圖書館曾擬另擇適宜之地建築館舍並由董事會撥款一百萬元爲建設之用嗣以政局多故合組之議中輟而原議建設之圖書館則暫由董事會獨立經營在北海慶霄樓悅心殿等處設立北京圖書館（十七年七月以後易名爲北平北海圖書館）並擇北海公園迤西御馬圈空地建築新館館務進行概況具詳該館歷年報告此十八年六月兩館實行合併以前之概況也

改組經過 十八年六月中華教育文化基金董事會在天津舉行第五屆年會曾接受國民政府教育部之提議以國立北平圖書館與北平北海圖書館合組爲國立北平圖書館七月間董事會與教育部議定合組辦法九條圖書館委員會組織大綱十條（見本報告附錄一附錄二）八月末教育部依該項辦法及大綱之規定正式聘任蔡子民 元培 袁守 和 同禮 兩先生爲正副館長同時並聘馬夷初 叙倫 任叔永 鴻雋 陳援庵 垣 劉半農 復 周寄 梅 貽春 孫洪芬 洪芬 傅孟眞 斯年 七先生爲圖書館委員會委員八月三十日委員會正式

成立翌日接收兩館並議定在新建築未落成以前原有之北平圖書館暫稱國立北平圖書館第一館北平北海圖書館暫稱國立北平圖書館第二館十九年一月教育部將合組辦法及委員會組織大綱呈請行政院鑒核備案旋奉指令准予備案此改組之經過也

現在組織 國立圖書館雖歸行政系統但其事業實屬專門科學既爲學術機關自應與政治脫離關係此次本館改組鑒於已往事實特在館長之上組織一委員會設委員九人主持一切進行事宜除正副館長均爲當然委員外其餘七人第一任由教育部聘任嗣後委員缺出卽由委員會自行推補而館長副館長之產生則須由委員會推薦經董事會同意再由教育部聘任此項規定原期圖書館行政避免政潮在今日中國特殊情形之下頗感其必要也委員會之下設購書委員會及建築委員會各設委員七人協助館長確定購書方針及主持建築上一切進行事宜本年度購書委員會委員爲任叔永陳援庵陳寅恪丁在君傅孟眞胡步曾葉企孫七先生建築委員會委員爲周寄梅任叔永丁在君戴志騫劉半儂孫洪芬袁守和七先生至館中內部組織則分設八部每部依事務之需要又設若干組此外另設編纂委員會主持出版事項詳左列之組織表



本館政策 本館政策可分購書研究閱覽及行政四方面言之

(一)購書方面 本館此次改組就北平圖書館及北平北海圖書館之基礎逐漸擴充兩館舊有之藏書既爲國內第一可貴之收藏以此爲基礎實絕好之憑藉故本館事業在最近數年以內自以購書爲重蓋購書之取舍卽圖書館政策之表現也就購書方面言之本館政策如左

一 爲國家庋藏重籍之圖書館

二 爲供給科學(包括自然與人文科學)研究之圖書館

因是之故本館對於中國舊籍實負有廣爲收存之責任應就原有基礎盡量補充以期造成中國唯一之圖書館對於西文書籍則特注重供給科學研究之方便數年以後即可爲若干研究之中心故一種書需要人數之多寡不足爲購買與否之標準而(一)此項科目有人研究與否(二)此項書籍應及早收羅以備將來應用與否乃足爲購買與否之標準也

(二)研究方面 本館爲行政機關而非研究機關其性質與科學研究院迥不相同故

其事業不在研究本身而在如何供給研究者之便利本年度中舉辦之事業如（一）各種索引之編製（二）孤本書籍之翻印（三）宋史之校勘（四）李慈銘遺書之整理（五）專門目錄之編製（六）北平各圖書館西文書總目錄之編製等等其宗旨均不外此惟本館事實上既爲中國最大之圖書館關於目錄校勘板本考訂諸問題各方面前來諮詢者頗不乏人爰就所知或研究所得藉各種出版物發表之以供社會參攷而非本館之主要工作也

（二）閱覽方面 中國公家藏書向來注重收藏本館目標則注重應用亟願以此已有之基礎供大多數人之利用爰在閱覽部內設立參攷組專備閱覽公衆之諮詢或代編輯書目或爲搜集材料所以減少其緝檢之時間而謀其便利而直接間接又負指導之責者也

（四）行政方面 本館用人辦事向主嚴格竄留缺額不納冗員爲事擇人不因人擇事對於專門人才尤願羅致館員殫心服務不兼他職經費用途須經董事會之考核及委員會之監督辦事力求科學化以期產生最大之效率爲新事業樹一楷模焉

新建築之進行

本館新建築自十八年三月動工以來進行至爲順利蓋既有良好之建築師復得可靠之營造廠分別施工進行自易關於建築計劃除已詳上屆報告外茲將本年度建築進行概況分述於左

本年度開始正值夏間淫雨連綿雖稍妨碍工程之進行但營造者均能依照建築師之估計按期交工所有全部屋頂之琉璃瓦各門窗之木工中樓及書庫之鋼窗內部之墁灰工程均先後告竣與原定計劃有變更者則發電廠是也發電廠依建築師最初計劃原置於地下室諸多不便本館建築委員會爲利用地下室面積作爲書庫起見曾議決將發電廠移出新建築之外另在養蜂夾道迤西新館址覓定地基委託北平協和醫院 F. E. Leavitt 工程師代繪詳圖繪就即招商投標應招者共八家於本年二月十一日開標復經建築委員會之審查於二月二十日決定委託德人喇特瑪哈 G. Rademacher 承做並於二月二十七日簽定合同共美金四萬三千九百三十元又國幣一萬六千九百元今冬落成後當爲

極完備之發電廠也

書庫中鋼鐵書架爲新建築中之主要設備十八年春間曾由建築委員會根據本館之需要詳爲設計函請歐美各工廠估價投標先後來投標者計英國一家美國二家德國一家中國二家疊經該委員會詳細審查決定委託天津美豐機器廠承造於八月二十三日簽定合同除四層鋼架外兼包括取書機及石質地板此項鋼鐵書架乃由外國輸入鋼板在天津製造極爲美觀而其價則較由外國購置者爲廉約本年十一月杪全部竣工至地下室之書庫經建築委員會數次之審查曾決定一部份委託美豐製造其他一部份爲善本書庫及輿圖庫則委託倫敦 Boneo 鋼廠承造于本年六月六日簽定合同大約可與美豐所製書架同時落成焉

館址東界與北海公園隔有圍牆一段曾於春間商得公園董事會同意將該牆折去改建石欄以壯觀瞻又養蜂夾道迤西之空地舊爲公府操場前於十七年八月由館呈請前大學院轉呈國民政府撥爲館用該地中隔養蜂夾道亟宜圈築圍牆本館爲兼籌並顧便於交通起見於十八年十月間函商北平特別市政府在該段空地西北界各退讓二丈四尺

闢爲通衢並將舊養蜂夾道圈入館址範圍以資聯絡商洽數次已得市政府同意本年秋間即可動工矣

本館新建築興建雖已經年而潤飾經營尙須時日朱桂莘先生博通法式獨運匠心本館得其指導隨時改善此則本館引爲深幸而至感謝者也

本館新建築採取宮殿式一方面顧全已有之環境一方面並將近代圖書館應有之設備與以適當之安置慘淡經營頗費苦心惟望本館事業繼續發展俾物質上之設置與學術上之貢獻爭榮並茂庶幾爲國家建設之一助焉

重要贈書及交換

本館承各方盛意惠贈圖書者爲數日多茲將其較重要者列後

北平松坡圖書館贈 中文書三百十八種共一千三百四十四冊

徐菊人先生贈 中文書十種共八十八冊

張溥泉先生贈 中文善本書九種共四十二冊

華美協進社贈 西文書籍一百八十餘種中文書籍五十餘種

美國義利諾州立天然博物院贈 生物研究全份

北平德使館贈 一八七一年至一九一四年關於歐洲外交文件五十四冊

美國Field天然博物院贈 關於人類學之出版物九冊

美國費城天然科學研究院贈 學報一八七三年至一九二四年全份

前北京教育部圖書室存有中文舊籍多種本館承教育部之盛意將館中前此未入藏者撥交本館共一千二百六十三種計一萬三千一百五十四冊內中所存志書頗補本館之缺尤可寶貴也

本館又以國內科學出版物與國外科學機關互相交換最重要者如與荷蘭科學院交換得來之研究錄或屬於自然科學或屬於生物科學均至關重要又與俄國阿里克教授交換俄國出版之植物學雜誌及俄文學家 Pushkin 著作均有相當之價值此外北平博物學會及中國生理學會均各有會報出版本館特與商定由館購入多份以與國外科學機關互相交換至交換所得之出版品則全數由館入藏焉

採購

本館以北平圖書館及北平北海圖書館藏書爲基礎逐漸擴充採訪事務爲本館重要事業之一本年度中文書購書費僅一萬二千元西文書購書費僅五萬六千餘元兼以金價暴漲愈嫌不敷然此一年中搜訪之勤爲歷年冠已入藏者可分下列諸方面述之

(一) **中文書** 自兩館合併後將中文採訪組集中於第一館由徐森玉趙萬里兩君主持其事兩君學問淹博精於鑒別於簿錄之學造詣至深惟年來書價騰貴舊槧益稀以云採訪洵屬匪易茲將本年度蒐求較重要之珍本約略述之如左

(二) **清乾隆間禁書** 此項禁書現時流傳除極少數有刻本外餘率罕見其有裨於明清之間史事及滿洲先世事者甚大計前後收得徐芳之懸榻編陳仁錫之無夢園集許國之文穆公集陳邦瞻之荷花山房詩稿何汝賓之兵錄王思任之王季重全集郭正域之黃離草喻龍德之秘書兵衡楊循吉之遼金小史陳際泰之已吾集徐如翰之檀燕山藏稿譚綸之譚襄敏公奏議陳建之皇明通紀岳和聲之餐微子集朱健之古今治平略張一龍

之武庫纂略范允臨之輸寥館集茅元儀之三才叢譚葉向高之蒼霞草等均係明刻原本甚可寶也

(二) 珍本戲曲小說書 明刻通俗文學書現時流傳甚少此一年間四出搜訪計得鄧忠謨五種爭奇無名氏弁而釵萬歷本春秋列國志及殘唐五代傳崇禎本皇明英烈傳嘉靖本三國演義(以上小說)及李卓吾評本西廂記吳歙萃雅月露音步雪初聲繼忠齋本香囊記富春堂本目蓮記及陳與郊續古名家雜劇殘本淩刻朱墨本琵琶記墨憨齋十種曲近又收得黑口本誠齋樂府二十五種較長洲吳氏藏本多出七種可稱秘笈矣

(三) 近代史料書 計有鴉片戰爭及拳匪史料六十餘種其重要者有李圭之鴉牙事略醇親王使德始末恭記庚子拳亂上諭宮門鈔彙訂天津拳匪變亂紀事庚子交涉偶錄等均罕見之史料書也

(四) 宋元明善本書 宋刻有史浩之周禮講義爲宋以後久佚之書元刻有白文周禮爲阮元校勘記所未收其他宋本殘帙如冊府元龜蘇文忠公集陳書等均可補本館舊藏本之缺元本有至正間寫本徐仙翰藻明本有汪諒本及白鹿書院本史記嘉靖黃省曾

本水經注嘉靖本楚紀均今日不可多得之佳本也近又收得明成化間寫本道書十九種足徵明代諸帝夙奉道教于宗教史所關至鉅故不惜重值收之且均係內閣大庫書與館藏善本書同出一源尤不應輕易放過也

(五)影鈔永樂大典 本館以永樂大典爲有明一代鉅製罕見之書多賴之以傳今雖散佚亟應將現存他處者分別錄副藉廣流傳疊與國內外公私藏家往復函商大致業已就緒茲將本年六月以前收到影照或影鈔之卷數開列如左

卷三千九百四十四至五 十 寒 槃

卷一萬一百十五至六 二 低 旨

卷一萬三千六百二十九 二 寅 世 以上三冊倫敦東方語言學校影照

卷一萬六千三百四十三至四 十 翰 算

卷一萬九千七百三十七至九 一 屋 錄 以上四卷英國劍橋大學影照

卷一萬一千八百八十七至八 十八 養 黨

卷一萬三千八百七十六至八 三 未 賁 痺痺